



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
5-300

**Xuv Tsib – Tsab Cai Hais Txog Kev Coj thiab Kev Siv Dag Zog**

**Kev Siv Dag Zog**

**5-311 Txoj Hauv Kev Xaiv Tswj- Cov Qauv**

(xx/xx/23)

Kev hloov kho cov cai ua ntej: (09/08/20) (01/01/23)

**I. Lub Hom Phiaj**

Lub hom phiaj ntawm txoj cai no yog los nthuav dav cov cai teeb tseg ntawm lwm cov cai kev siv dag zog, tshwj xeeb tshaj yog tau cuam tshuam rau cov aub.

**II. Cov Ntsiab Lus Txhais**

**Cov lus uas muaj ntsiab lus nyob rau hauv P&P 5-304:**

- Nqa
- Xa
- Tso Tawm
- Qhia Tawm
- Muaj Kev Koom Rog Tus Neeg Phem
- Taw Tes
- Siv

**III. Txoj Cai**

**A. Txoj Cai thiab Cov Kev Cai Kev Taw Qhia**

Dhau ntawm cov yam tshwj xeeb nyob rau hauv txoj cai no, cov neeg ua hauj lwm yuav ua raws li cov cai teeb tseg ntawm txhua lwm txoj cai uas siv tau, uas suav nrog tab sis tsis tag rau, Cov Kev Cai Kev Taw Qhia thiab lwm cov qauv cai nyob rau hauv P&P 5-301.

**B. Kev Ua Raug Raws Li Txoj Cai thiab Kev Cob Qhia**

1. Cov tub ceev xwm tsuas siv cov aub nyob rau tus yam ntxwv uas tsis muaj kev ntxub ntxaug, thiab tsuas siv thaum qhov kev siv dag zog uas hais los ntawd muaj zoo laj thawj uas muaj kev ncaj ncees thiab raug raws li MPD li kev cob qhia tam sim no thiab MPD cov cai uas kav tswj kev siv dag zog (suav nrog txhua tshooj nyob rau hauv P&P 5-300).
2. Cov aub tsuas raug txib mus ua hauj lwm raws li P&P 7-807 Kev Siv Cov Aub Uas Tau Txais Kev Tso Cai xwb.

**C. Kev Tso Aub**

Thaum tau siv cov aub pab ntes neeg, cov neeg cab aub yuav tso lawv cov aub kom sai li sai tau yam uas muaj zoo laj thawj tom qab tus neeg phem tuaj yeem tswj tau los sis muaj kev ruaj ntseg.

**D. Kev Kho Mob thiab Kev Pab Fab Kev Kho Mob**

1. Cov tub ceev xwm muaj lub luag hauj lwm ua kom ntseeg siab tias tej tus neeg uas raug mob los ntawm MPD tus aub tau txais kev kho mob sai li sai tau.
2. Cov tub ceev xwm yuav thov tsheb thauj neeg mob tuaj rau ntawm qhov chaw uas muaj xwm txheej thaum uas muaj neeg raug ntes los ntawm aub.

**E. Cheeb Tsam Kev Ceeb Toom**

1. Tus neeg cab aub yuav ceeb toom rau Cov Thawj Tub Ceev Xwm Saib Xyuas Aub tam sim ntawd tom qab tej tus aub twg ntes los sis tom yam uas tsis yog txhob txwm.
2. Cov tub ceev xwm yuav raug nug los ntawm lub chaw saib xyuas Aub cov thawj coj saib xyuas kev ua hauj lwm thiab cov neeg cob qhia kom sai li sai tau tom qab muab kev ceeb toom.
3. Yog tias Tus Thawj Tub Ceev Xwm Saib Xyuas Aub tsis khoom, ces tej zaum yuav thov MPD lwm tus thawj tub ceev xwm los ua qhov kev tshab xyuas kev siv dag zog (raws li P&P 5-303).

**F. Kev Ua Ntaub Ntawv**

Cov kauj ruam txuas mus no yog txhab ntxiv rau cov cai teeb tseg rau kev ua ntaub ntawv nyob rau hauv P&P 5-302 thiab P&P 5-303:

1. Cov neeg cab aub yuav thauj duab txhua cov kev raug mob thiab ua kom ntseeg siab tias cov duab raug rub nkag raws li P&P 10-400 lawm.
2. Thaum ceeb toom txog aub tom los sis aub ntes, Tus Thawj Tub Ceev Xwm Saib Xyuas Aub yuav ua kom tiav Lub Chaw K-9 daim foos Kev Tshab Xyuas Txhij Txhua (MP-9090) thiab muab xa hauv es lev taus niv mus rau cov tswv cuab ntawm pab pawg txiav txim kev tshab xyuas.